

Е. С. СААКЯН, Революционные движения молодежи в Армении и Закавказье в конце XIX—начале XX века, Ереван, изд-во «Айастан», 1987, 242 с.

Ե. Ս. ՍԱՀԱԿՅԱՆ, Երիտասարդությունը հեղափոխական շարժումները Հայաստանում և Անդրկովկասում 19-րդ դ. վերջին—20-րդ դ. սկզբին, Երևան, «Հայաստան» հրատարակչություն, 1987, 242 էջ:

Ազգային-ազատագրական և սոցիալական շարժումների հետ կապված ամենատարբեր պրոբլեմների ու ասպեկտների հետազոտությունը սովետական պատմագիտության հրատապ խնդիրներից է: Կարևորագույն պրոբլեմներից մեկը, ինչպես ազգային-ազատագրական, սոցիալական շարժման, այնպես էլ սոցիալիստական հեղափոխության համար մղված պայքարում սովորող երիտասարդության տեղի և դերի պարզաբանումն է: Այս խնդրանքով շնորհակալ գործ է կատարել Ե. Սահակյանը. հրապարակ հանելով գրախոսվող աշխատությունը:

Գրքում շարադրված են 1870—1917 թթ. հեղափոխական շարժումները Հայաստանում և Անդրկովկասում, բնութագրված են այդ շարժումների փուլերը, բացահայտված են երիտասարդական տարերային հուզումները գիտակցական հեղափոխական շարժումների վերածվելու հանգամանքներն ու պատճառները, սովորողների տեղն ու դերը Հայաստանի ու Անդրկովկասի սոցիալական և ազգային-ազատագրական շարժումների ծավալման գործում, սովորողների աշակցությունները նվաճելու համար տարբեր կուսակցությունների մղած պայքարը, վերադասարանում և ցարիզմի ազդանշանով դպրոցական քաղաքականությունը:

Հեղինակին հաջողվել է պատմական ճշմարտացիության դիրքերից շարադրել երիտասարդական շարժումների սոցիալ-տնտեսական և քաղաքական նախադրյալները, սովորող երիտասարդության հեղափոխական շարժումները:

Առաջին քալերից սկսած սովորող երիտասարդության առաջադեմ կազմակերպությունը գործում էր որպես կուսակցության մարտական օգնական, իր հետևից տանելով ոռոտական, կայսրության ժողովուրդների երիտասարդ ներկայացուցիչներին: Հեղափոխական շարժումների անմասն չէին կարող մնալ նաև հայ սովորող երիտասարդները: Նրանց պայքարում կարևոր տեղ գրավեց երկրի պետական ու ազգային ուսումնական հաստատություններում տիրող կարգերի փոփոխման հարցը:

Հեղինակը ցույց է տալիս, որ հայ աշակերտության հեղափոխական շարժումները ծնվեցին այն սոցիալ-տնտեսական ու քաղաքական ծանր կացությունից, որի մեջ ապրում էր հայ ժողովուրդը: Բացի այդ, ցարական կրթական համակարգի տեղական մարմիններն ամեն կերպ ոտնահարում էին ոչ ուսման բնակչության ազգային արժանապատվությունը, մայրենի լեզուն: Անդրկովկասի ժողովուրդները հնազանդ և ապրում էին հեղափոխական քաղաքականության: Եթե սկզբնական շրջանում ցույց էր տրվում պասսիվ դիմադրություն, ապա հետագայում շարժումը լայն մասշտաբներ է ընդունում՝ ցարական կառավարությանը զգացնել տալով իր ուժը:

Ե. Սահակյանը ճիշտ է նկատում, որ XIX դ. 60—70-ական թվականներին հայ ազգային-ազատագրական շարժումները ծավալվեցին տարբեր հասարակական հոսանքների դիրքերի ու հայացքների շուրջ բախման պայմաններում, և որ հայ աշակերտության ինքնազարգացման, գաղտնի խմբակների գործունեության վրա դրանք, եթե ոչ վճռական ազդեցություն էին գործում Ռուսաստանից այստեղ եկած ուսանողները, որոնք էլ հաճախ որոշում էին խմբակների գործունեության ուղղությունները: Աշխատության մեջ կարմիր թելի պես անցնում է այն միաձուլումը, որ մեզանում մարքսիստական գաղափարների տարածման տեսակետից մեծ նշանակություն ունեցավ Վ. Ի. Լենինի կազմակերպած «Պետրոպոլիսի» բանվոր դասակարգի ազատագրության պայքարի միությունը, որի բովանդակումն անցած հայ ուսանողներ Բ. Կոնյանցի, Ա. Զուրաբյանի և մյուսների գործունեության շնորհիվ էլ XIX դ. վերջին և XX դ. սկզբին ստեղծվում են մարքսիստական առաջին խմբակները: Երբ հստակ են շարժման ծրագիրն ու նպատակները, պայքարն ավելի արդյունավետ է դառնում: Այդ են վկայում 1900 թ. Իզմիրի, Ալեքսանդրա-

պոլի ուսումնարանների, Շուշվա թեմական դպրոցի աշակերտների հուզումները, որոնց հետ կառավարությունը չէր կարող հաշվի չնետալ:

Աշխատության անուրանալի արժանիքներից է այն, որ հեղինակը ցարիզմի աշահալած քաղաքականության և դպրոցական ռեակցիոն ռեժիմի դեմ հայ աշակերտության պայքարը սերտորեն կապում է հայ և Անդրկովկասի մյուս ազգությունների աշխատավորական զանգվածների հեղափոխական պայքարի հետ. չանի որ դրանց պատճառները սկիզբ էին առնում միևնույն սոցիալական ակունքներից և հետագայում միևնույն նպատակը:

Գրախոսվող աշխատության մեջ լուրջ ուշադրություն է դարձվում 1905—1907 թթ. հրեական սարգական հեղափոխական շարժումներին, որոնք զաղափարական սնունդ էին ստանում Ստ. Շահումյանի, Բ. Կոնյանցի, Ա. Խանյանի և ուրիշների ստեղծած «Հայ սոցիալ-դեմոկրատական միություն» մարքսիստական խմբակից: Այդ թվականներին մեծ թափ են ստանում նաև սովորողների շարժումները, որոնք դարձել էին ավելի կադմակերպված ու նպատակասլաց: Գրքում բաղմակողմանիորեն լուսաբանվում են ռուսական առաջին հեղափոխության արձագանքներն Անդրկովկասում, որոնց հետևանքով ելույթներ են տեղի ունենում Շուշիի, Երեվանի և այլ թեմական դպրոցներում: Հեղինակին հաջողվել է վեր հանել այդ դպրոցների ու ուսուցիչների և առաջադեմ հասարակայնության ծավալած պայքարը հանուն դպրոցների հեղափոխական վերակառուցման, մի իրողություն, որը մինչև օրս մասնագիտական դրականության մեջ լիարժեք լուսաբանում չէր ստացել:

Ռուսական առաջին հեղափոխության պարտությունը հաջորդեցին ռեակցիայի տարիները: Ձևայած դրան, բոլշևիկները հսկայական աշխատանք էին կատարում սովորող երիտասարդությանը զաղափարապես ճիշտ կողմնորոշելու և իրենց հետևից տանելու գործում: Բոլշևիկների ճշմարիտ խոսքը, նշում է հեղինակը, թափանցում էր աշակերտության սրտիցը, նրանց համալիրմամ տիրող կարգերի դեմ բարձրացող պայքարի դրոշի ներքո:

Ռեակցիայի տարիներին հաջորդած հեղափոխական շարժումների նոր վերելքը զաղափարապես հասունացնում է աշակերտությանը և ակտիվացնում նրանց քաղաքական պայքարը: Աշխատանքի շարադրանքից պուրջ է դառնում, որ Հոկտեմբերյան սոցիալիստական մեծ հեղափոխությանը նախորդող շրջանում ղեկավարում սովորանում էին բոլշևիկներին հարող երիտասարդության շարքերը: Այդ երիտասարդներից Ա. Խանյանը, Ղ. Ղուկասյանը և ուրիշները հետագայում դարձան Հայաստանի կոմունիստական կուսակցության աչքի ընկնող գործիչներ:

Աշխատության մեջ ցույց է արված, որ դասակարգային պայքարի ուժեղացման պայմաններում կրթության պրոբլեմն ավելի սուր բնույթ էր կրում: Բուրժուազիան մշակել էր որոշակի իդեոլոգիան, որոնց ոգով էլ ձգտում էր դաստիարակել աճող սերնդին: Այդ պատճառով էլ գերազանցապես աղնվականական ուսումնական հաստատությունների հետ միասին այդ շրջանում լայն տարածում էին ստացել նաև բուրժուազիան ուղղությամբ դպրոցները: Հեղինակը բաղմամբով փաստական տվյալներով բացահայտում է, որ շատ ուսումնական հաստատությունների (ինչպես օրինակ էջմիածնում) տրված ուղղությունն ու բովանդակությունը կարող էին ծառայել միայն հայ հոգևորականության և բուրժուազիայի շահերին:

Աշխատությունում վերլուծված պատմական փաստերն ու իրադարձությունները վկայում են, որ ռուսական երեք հեղափոխությունների ժամանակաշրջանում ծավալված աշակերտական շարժումները ցնցեցին լճացած հասարակական կյանքը, շոշափեցին բոլոր ընդհանրապես մտան լուսավորության ոլորտը: Սովորող երիտասարդությունն առաջ քաշեց միասնական դպրոցական համակարգի ստեղծման, ձրի ուսուցման կադմակերպման, մայրենի լեզվի դասավանդման, կրթության ոլորտում աշխատող քաղաքացիների իրավահավասարության, դպրոցը եկեղեցուց անջատելու և այլ խնդիրներ:

Պատմական իրադարձությունների դարգացումը համոզիչ ցույց է տալիս, որ բոլշևիկյան կադմակերպությունների գործունեության շնորհիվ երիտասարդության հեղափոխական շարժումները դարձան ընդհանուր հեղափոխական շարժման անբաժանելի մասը, իսկ մարքսիստական գաղափարները լայն տարածում ստացան սովորողների շրջանում:

Շատ կարևոր է նշել նաև աշխատության այժմեականությունը: Ինչպես իրավագիտորեն գրում է հեղինակը, այսօր կոմունիստական և բանվորական շատ կուսակցություններ, հենվելով զբաղմական փորձի վրա, կապիտալի երկրներում, հատկապես երիտասարդության շրջանում ակտիվորեն տարածում են գիտական սոցիալիզմի գաղափարները, պարզաբանում են կեռծ հեղափոխական գաղափարների վտանգավորությունը, մեծ նշանակություն են տալիս դեմոկրատիայի և սոցիալական առաջադիմության համար հակամարտության պայքարում սովորող երիտասարդությանը ներգրավելու գործին:

Այսօր, ավելի քան երբևէ, անհրաժեշտ է երիտասարդության, և հատկապես սովորող երիտասարդության ուժն ու եռանդն ուղղել դեպի մեր հասարակության հեղափոխական վերակառուցումը, դործողության ուղեցույց ունենալով լենինյան կողմնորոշիչները, երիտասարդներին դաստիարակել դառնալու իսկական կոմունիստներ, ակտիվորեն մասնակցելու կուսակցության քաղաքականության կենսագործմանը:

Պրոբլեմի բարեխիղճ ուսումնասիրության վերլուծության ընդհանրացման հիման վրա հեղինակը հանդել է մի շարք նորովի ու հիմնավոր եզրահանգումների:

Գրախոսվող աշխատությունը, ինչ խոսք, անթերի չէ: Նրանում պատշաճ լուսարանում չի ստացել աշակերտական կազմակերպություններին իրենց հետևից տանելու նպատակով օպոզիցիոն կուսակցությունների մղած պայքարի պրոբլեմը: Կան լեզվաբանական թերություններ:

Ամփոփենք. Ն. Սահակյանի մենագրությունը գրված է գիտական-տեսական բարձր մակարդակով, փաստական-աղբյուրադիտական նյութի պատշաճ իմացությամբ, պատմական ճշմարտացիության դիրքերից: Հայ պատմագրությունը հարստացել է շահեկան մի աշխատությամբ, որն ունի իմացաբանական, դաստիարակչական որոշակի արժեք:

Գ. Մ. ԽԱՉԱՏՐՅԱՆ

Պատմական գիտությունների դոկտոր

Ս. Հ. ՌԱՇԻԴՅԱՆ